

NOTAT

Til: Styringsgruppa
Fra: Vestland fylkeskommune
Kopi:

Saksbehandler/telefon:
Stian Skår Ludvigsen / 41322734
Vår dato: 09.09.2025

Sak 53/25 Trolleybusstilbudet i Bergen etter utløp av rutepakke Bergen sentrum

Bakgrunn

Fylkesdirektør har lagt framsak om trolleybusstilbudet i Bergen til politisk handsaming, og lagt opp til handsaming i SAMO, fylkesutvalet og fylkestinget.

Av di utbygginga av trolleylinje til Lyngbø er finansiert med fylkeskommunale midlar forankra i byvekstavtalen, ønskjer vi å halde Miljøløftet orientert om saka.

Trolleybussinfrastrukturen i Bergen vil krevje vesentlege investeringar dei neste åra for at fylkeskommunen skal kunne halde fram med stabil og trygg drift av tilbudet. Dette utløyser trong for å gjere eit strategisk vegval om trolleybussens framtid som del av kollektivnettet, der alle alternativ vil medføre meirkostnader samanlikna med gjeldande økonomiplan.

Fylkesdirektør tilrår at fylkestinget vedtek ei styrt avvikling av trolleybusstilbudet innan utløp av dagens busskontrakt i Bergen sentrum som går ut i 2030, med opsjon om å forlenge avtalen med 1+1 år.

Fylkesdirektør sitt forslag til innstilling til fylkestinget er som følgjer:

1. Fylkestinget ber fylkesdirektør jobbe med ei styrt avvikling av trolleybusstilbudet i Bergen, fortrinnsvis innan utløp av rutepakke Bergen sentrum.
2. Fylkestinget ber fylkesdirektør kome med forslag til gjennomføring av styrt avvikling av trolleybusstilbudet i samband med framlegging av budsjett for 2026.

Saka har vedlagde fagnotat frå Skyss og Bybanen AS.